



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ՕՐԻՆԱԿԱՆՈՒԹՅԱՆ ՎԵՐԱՀՍԿՈՂՈՒԹՅԱՆ
ՏԵՍՉՈՒԹՅՈՒՆ**

010 Երևան, Վ. Սարգսյան 3/8, հեռ. /010/ 59-41-41

ՈՐՈՇՈՒՄ

Վարչական տույժ նշանակելու մասին

ք.Երևան

14.11.2016թ.

ՀՀ ԱՆ աշխատակազմի օրինականության վերահսկողության տեսչության (այսուհետ՝ Տեսչություն) պետ Միքայել Մինասյանս՝ ուսումնասիրելով «Հազարաշեն» պատմամշակութային հիմնադրամի (գրանցման համար՝ 222.160.755916, (այսուհետ՝ Հիմնադրամ) տնօրենի ժ/պ Համլետ Մարտիրոսյանի կողմից Տեսչության պետի՝ վարչական տույժ կիրառելու մասին որոշման պահանջը չկատարելու կապակցությամբ 27.10.2016թ.-ին հարուցված վարչական վարույթի նյութերը.

ՊԱՐԶԵՑԻ

Տեսչության պետի 15.09.2016թ.-ի որոշմամբ Հիմնադրամի տնօրենի ժ/պ Համլետ Մարտիրոսյանի նկատմամբ «Հիմնադրամների մասին» ՀՀ օրենքի 39-րդ հոդվածի և Տեսչության պետի կողմից 03.06.2016թ.-ին վարչական տույժ՝ «Նախագգուշացում» կիրառելու մասին որոշման պահանջները չկատարելու համար, համաձայն՝ Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 169¹⁸-րդ հոդվածի 2-րդ պարբերության, նշանակվել է վարչական տուգանք՝ 50.000 (հիսուն հազար) ՀՀ դրամի չափով: Նույն որոշմամբ Հիմնադրամի տնօրենի ժ/պ Համլետ Մարտիրոսյանը նախագգուշացվել է նաև, որ վերջինս պարտավոր է որոշումն ստանալու օրվանից երեսուն օրվա ընթացքում ՀՀ արդարադատության նախարարի 2009թ. դեկտեմբերի 24-ի թիվ 319-Ն հրամանով սահմանված կարգով՝ Հիմնադրամի 2015թ.-ի գործունեության մասին հաշվետվությունը հրապարակել ՀՀ հրապարակային ծանուցումների պաշտոնական ինտերնետային կայքում (այսուհետ՝ www.azdara.am կայք) և այդ մասին ծանուցել Տեսչությանը:

Տեսչության պետի 15.09.2016թ.-ի վարչական տույժ նշանակելու մասին որոշումը Օրենսգրքի 283-րդ հոդվածով սահմանված կարգով 16.09.2016թ.-ին ուղարկվել է Հիմնադրամի տնօրենի հաշվառման հասցեով (ՀՀ, ք. Կապան, Բաղաբերդի թղմ., 7,72) և էլ.փոստին (hamletino@mail.ru), ինչպես նաև 19.09.2016թ.-ին տեղադրվել է ՀՀ հրապարակային ծանուցումների պաշտոնական ինտերնետային կայքում:



Օրենսգրքի 283-րդ հոդվածի 4-րդ պարբերության համաձայն՝ «Եթե անձի (որին ուղարկվել է որոշումը) հայտնած հասցեով ուղարկված որոշումը վերադարձվել է, կամ ծանուցման փաստը չի հաստատվել, կամ հասցեատերը հրաժարվել է ստանալ պատշաճ կարգով ուղարկված (հանձնվող) որոշումը և ստորագրել հրաժարվելու մասին, ապա որոշումն ուղարկվում է այդ անձի հաշվառման հասցեով (եթե անձի հայտնած հասցեն տարբերվում է նրա հաշվառման հասցեից) և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում: Այն դեպքերում, երբ որոշումն ուղարկվում է անձի հաշվառման հասցեով և տեղադրվում Հայաստանի Հանրապետության հրապարակային ծանուցումների պաշտոնական ինտերնետային կայքում, որոշումը համարվում է հանձնված (պատշաճ ծանուցված) որոշումն ինտերնետային կայքում տեղադրելու օրվան հաջորդող երրորդ օրը»:

Հարկ է նշել, որ հանձնման օրվանից՝ 22.09.2016թ.-ից, հաշվարկված երեսուն օրվա ընթացքում Հիմնադրամի 2015թ. գործունեության մասին հաշվետվությունն օրենքով սահմանված կարգով և ժամկետներում չի հրապարակվել www.azdarar.am կայքում:

Տեսչության պետի կողմից հարուցված վարչական վարույթի շրջանակներում Օրենսգրքի 255-րդ հոդվածով նախատեսված վարչական իրավախախտում կատարելու մասին արձանագրություն կազմելու նպատակով Հիմնադրամի տնօրենի ժ/պ Համլետ Մարտիրոսյանը հրավիրվել է Տեսչություն, սակայն գործի քննության ժամանակի և վայրի մասին պատշաճ ծանուցված լինելով, վերջինս չի ներկայացել լուծմանը:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 169¹⁸-րդ հոդվածի 3-րդ պարբերությամբ, 223¹-րդ հոդվածով և 282-րդ հոդվածի 1-ին մասով.

ՈՐՈՇԵՑԻ

1. «Հազարաշեն» պատմամշակութային հիմնադրամի տնօրենի ժ/պ Համլետ Մարտիրոսյանի (անձնագիր՝ AK0373341, հասցե՝ ՀՀ, Սյունիքի մ., ք. Կապան, Բաղաբերդի թղմ., 7,72) նկատմամբ նշանակել վարչական տուգանք՝ 200.000 ՀՀ դրամի չափով:

2. «Հազարաշեն» պատմամշակութային հիմնադրամի տնօրենի ժ/պ Համլետ Մարտիրոսյանին նախազգուշացնել որոշումն ստանալու օրվանից **երեսուն օրվա** ընթացքում հիմնադրամի 2015թ.-ի գործունեության մասին հաշվետվությունը հրապարակել www.azdarar.am կայքում և արդյունքների մասին ծանուցել Տեսչությանը՝ կից ներկայացնելով վարչական տույժի՝ ՀՀ պետական բյուջե (հաշվեհամար՝ 900005242111) վճարված լինելու հանգամանքը հավաստող փաստաթուղթը կամ դրա պատճենը:

3. Սույն որոշումն ուժի մեջ է մտնում վարույթի մասնակցին այն հանձնելուն հաջորդող օրվանից և կարող է բողոքարկվել վերադատության կարգով ՀՀ արդարադատության նախարարին երեսունօրյա ժամկետում կամ օրենքով սահմանված կարգով և ժամկետում ՀՀ վարչական դատարան:

ՏԵՍՉՈՒԹՅԱՆ ՊԵՏ՝



ՄԻՔԱՅԵԼ ՄԻՆԱՍՅԱՆ